

STATUT BEMUFA

Opće odredbe

Član 1

Ime organizacije je Bemuf. Riječ Bemuf je nastala kao skraćenica na švedskom jeziku za izvorno ime organizacije: Muslimanski omladinski savez Švedske. Bemuf je apolitična organizacija koja okuplja lokalne omladinske organizacije Bemuфа (u daljem tekstu: lokalne organizacije).

Član 2

Djelatnost Bemuфа zasniva se na Kur'anu i Sunnetu.

Član 3

Bemuf djeluje u okviru Islamske zajednice Bošnjaka u Švedskoj, a surađivat će sa sličnim organizacijama u i izvan Švedske.

Član 4

Zadatak Bemuфа je očuvanje i razvijanje vjerskih, moralnih, kulturnih i demokratskih vrijednosti omladine i jednakosti među spolovima.

Član 5

Bemuf će svoju aktivnost uskladiti sa zakonima Švedske.

Član 6

Bemuf redovno održava kontakte sa svojim lokalnim organizacijama, usklađuje aktivnosti i dogovara zajedničke zadatke.

Član 7

Bemuf predstavlja svoje članice kod vlasti i institucija Švedske i Bosne i Hercegovine.

Član 8

Bemuf ima pečat okruglog oblika sa tekstom na bosanskom i švedskom jeziku.

Članstvo u Bemufu

Član 9

Učlanjenje pojedinaca u Bemuf se vrši na osnovu važećeg Pravilnika o pristupnicama kojeg određuje nadležni organ Bemuфа. Omladina starosne dobi od 6 do 27 godina može postati članom Bemuфа na način da istovremeno prihvati ovaj Statut i potvrdi svoj zahtjev za članstvo u Bemufu putem potpisivanja pristupnice pismeno ili elektronski. Članstvo pojedinaca u Bemufu prestaje na vlastiti pismeni zahtjev pojedinca na adresu Bemuфа ili isključenjem iz lokalne organizacije kojoj član pripada. Prestanak članstva stupa na snagu zvaničnim datumom evidentiranja pristiglog zahtjeva ili evidentiranjem donešene odluke o isključenju iz lokalne organizacije. Odluku o isključenju pojedinaca iz članstva lokalne organizacije donosi Odbor Bemuфа na osnovu prijedloga od strane lokalne organizacije ili

vlastitom inicijativom od strane Odbora Bemufa. Razlog za isključenje može biti svjesno i ozbiljno nepoštivanje statuta, nanošenje moralne ili materijalne štete lokalnoj organizaciji ili Bemufu u cjelini ili drugi razlozi koje Odbor Bemufa smatra opravdanim za dobrobit organizacije.

Član 10

Dužnosti lokalnih organizacija Bemufa su:

- da poštuje odredbe ovog Statuta
- da učestvuje u radu organa Bemufa
- da sprovodi odluke organa Bemufa
- da na traženje organa Bemufa dostavlja sve potrebne podatke i informacije

Član 11

Prava lokalnih organizacija Bemufa su:

- da preko svojih predstavnika učestvuje u radu organa Bemufa
- da njeni članovi biraju i budu birani u organe Bemufa
- da budu redovno informirani o radu Bemufa

Član 12

Odluku o učlanjenju ili isključenju lokalne omladinske organizacije donosi Skupština Bemufa na prijedlog Odbora Bemuфа koji prethodno razmatra ta pitanja.

Organi Bemufa

Član 13

Organi Bemufa su:

- Skupština
- Odbor Bemufa
- Reviziona komisija
- Savjet Bemufa
- Izborna komisija
- Statutarna komisija
- povremene komisije i odbori

Član 14

Skupština je najviši organ Bemufa, a čine je predsjednici lokalnih organizacija i dva delegata. Lokalne organizacije koje imaju manje od 100 članova imaju jednog delegata. Članovi Odbora Bemufa su skupštinski delegati po funkciji i ne mogu biti skupštinski delegati svoje lokalne organizacije. Članovi Odbora Bemufa zadržavaju status skupštinskih delegata do kraja Skupštine, bez obzira na razrješenje sa funkcije člana Odbora Bemufa.

Član 15

Skupština može raditi i punovažno odlučivati ako joj prisustvuje natpolovična većina delegata. U slučaju da u zakazano vrijeme početka Skupštine ne postoji kvorum, početak Skupštine odgađa se za sat vremena. Nakon toga Skupština počinje sa radom bez obzira na broj prisutnih.

Član 16

Radom Skupštine rukovodi predsjedništvo od pet članova koje skupština bira aklamacijom.

Član 17

Skupština odlučuje većinom glasova prisutnih. Izuzetak u odlučivanju je usvajanje i izmjena Statuta Bemuфа, za koje je potrebna dvotrećinska većina.

Član 18

Zadaci Skupštine su:

- određuje opće smjernice za rad Bemuфа
- usvaja Statut i druge akte Bemuфа
- usvaja godišnji finansijski plan
- bira i razrješava organe Bemuфа
- bira predsjednika Bemuфа
- obavlja i druge poslove od interesa za Bemuf

Član 19

Redovna godišnja Skupština, koja je ujedno i izborna, održava se uobičajeno svake godine u mjesecu martu. Vanredna Skupština održat će se ako to zatraži jedna trećina lokalnih organizacija ili ako Odbor Bemuфа zaključi da je neophodno održati vanrednu Skupštinu. U oba slučaja odluku o održavanju vanredne Skupštine donosi Odbor Bemuфа.

Član 20

Odbor Bemuфа je najviši organ Bemuфа, a sačinjavaju ga predsjednik Bemuфа koji je ujedno i predsjednik Odbora, te još 6 članova Odbora. Prilikom izbora članova Odbora Bemuфа vodiće se računa o spolnoj i regionalnoj zastupljenosti izabranih članova. Odbor Bemuфа naknadno imenuje jednog od članova Odbora za dopredsjednika Bemuфа.

Član 21

Zadaci Odbora Bemuфа su da:

- koordinira rad lokalnih organizacija Bemuфа
- sprovodi odluke i zaključke Skupštine
- donosi godišnji program rada i radi na njegovom ostvarivanju
- radi na realizaciji finansijskog plana Bemuфа
- o svom radu obavještava lokalne organizacije i organe Islamske zajednice Bošnjaka u Švedskoj
- za obavljanje određenih poslova formira stalne i povremene komisije
- vrši imenovanje administrativnih lica Bemuфа: sekretara, blagajnika i praktikanata

Član 22

Ukoliko neko od članova Odbora Bemuфа nije u mogućnosti da duže vrijeme (tri ili više mjeseci) obavlja svoje dužnosti, ili ukoliko mu iz bilo kojeg razloga prestane mandat, Odbor će izvršiti kooptiranje novog člana. Prije kooptiranja novog člana treba izvršiti konsultacije sa Izbornom komisijom. Ukoliko iz bilo kojeg razloga predsjednik Bemuфа nije u mogućnosti obavljati svoju funkciju ili podnese ostavku, do zakazivanja vanredne Skupštine njegove

Zadaci Odbora Bemuфа

– obavljanje poslova

B.I.

poslove vrši dopredsjednik, a najviše tri mjeseca. U tom periodu Odbor Bemuфа dužan je izvršiti sve pripreme i zakazati vanrednu Skupštinu.

Član 23

Rezisionu komisiju bira Skupština i sastoji se od predsjednika i dva člana Rezisione komisije. Rezisiona komisija vrši reviziju finansijskog poslovanja i registara članova Bemuфа. Pored revizije koju vrši Rezisiona komisija, reviziju prema potrebi vrši i jedan autorizirani rezizor kojeg bira Skupština. Rezisiona komisija Bemuфа prema potrebi vrši i kontrolu ekonomskog poslovanja lokalnih organizacija Bemuфа.

Član 24

Savjet Bemuфа čine: predsjednik Bemuфа, predsjednik Islamske zajednice Bošnjaka u Švedskoj, glavni imam Islamske zajednice Bošnjaka u Švedskoj, te još dva člana. Savjet Bemuфа ima samo savjetodavnu ulogu.

Član 25

Izborna komisija se bira na Skupštini i sastoji se od predsjednika Izborne komisije i još 2 člana. Izborna komisija razmatra kandidacione liste za organe Bemuфа pristigle od lokalnih organizacija na osnovu vremenskih rokova koje određuje Odbor Bemuфа pri organiziranju Skupštine. Izborna komisija na osnovu vlastitih kriterija formira listu prijedloga za izbor svih organa Bemuфа. Prilikom izbora u organe Bemuфа Skupština neće prihvati prijedloge koji nisu prošli kroz pravovremenu proceduru Izborne komisije. Izborna komisija ima pravo da iznese po jedan ili više prijedloga za mjesta u organima Bemuфа, kao i da na listu prijedloga ne stavi sva predložena imena od strane lokalnih organizacija. Ukoliko po isteku vremenskih rokova nisu pristigle kandidature za sva mjesta u organima Bemuфа, Izborna komisija je dužna da dopuni kandidature vlastitim prijedlozima.

Član 26

Statutarna komisija se bira na Skupštini i sastoji se od predsjednika Statutarne komisije i još 2 člana. Statutarna komisija razmatra prijedloge za izmjene i dopune Statuta Bemuфа pristigle od lokalnih organizacija, organa Bemuфа ili pojedinaca članova Bemuфа. Prijedlozi moraju biti dostavljeni u pismenoj formi na osnovu vremenskih rokova koje određuje Odbor Bemuфа pri organiziranju Skupštine. Statutarna komisija na osnovu vlastitog mišljenja formira prijedloge za izmjene i dopune Statuta o kojima odluku donosi Skupština. Da bi prijedlog bio usvojen potrebna je skupštinska odluka sa dvotrećinskom većinom prisutnih delegata. Statutarna komisija može i samoinicijativno pripremati prijedloge Skupštini za izmjene i dopune Statuta.

Član 27

U sve organe Bemuфа se biraju članovi Bemuфа, a prema potrebi se mogu birati i ostali. Svi organi Bemuфа dužni su donijeti svoj vlastiti poslovnik o radu.

Finansijsko poslovanje Bemuфа

Član 28

Izvori prihoda Bemuфа su:

- dotacije švedskih institucija

B.1.

- dobrovoljni prilozi i donacije
- druga sredstva koja Bemuf ostvari kroz svoj rad

Član 29

Ovlašteni potpisnici u ime Bemuфа su predsjednik, sekretar i blagajnik pojedinačno. Odluku o licima koja imaju potpisničko pravo u ime Bemuфа donose Skupština ili Izvršni odbor na osnovu ovog Statuta i aktuelnih imenovanja.

Lokalne organizacije Bemuфа

Član 30

Svaka lokalna organizacija Bemuфа mora biti registrirana i imati svoj vlastiti organizacioni broj i bankovni račun.

Član 31

Svaka lokalna organizacija Bemuфа mora u svom imenu imati samo ime Bemuf i ime grada u kojem je registrirana.

Član 32

Svaka lokalna organizacija Bemuфа mora imati svoj odbor od 5 članova koji se sastoji od: predsjednika, sekretara, blagajnika i 2 člana odbora. U odbor lokalne organizacije Bemuфа se ne mogu birati osobe koje su međusobno rodbinski blisko povezane. Za odstupanje od ovog pravila lokalna omladinska organizacija može zatražiti saglasnost od Odbora Bemuфа. Lokalna omladinska organizacija je u tom slučaju obavezna postupiti po odluci Odbora Bemuфа.

Član 33

Potpisnici u ime lokalne organizacije moraju biti predsjednik ili članovi odbora lokalne organizacije.

Član 34

Statuti lokalnih organizacija Bemuфа moraju biti usklađeni sa Statutom Bemuфа.

Završne odredbe

Član 35

Bemuf će organizirano djelovati sve dok za to postoji potreba. Odluku o raspuštanju Bemuфа donosi Skupština dvotrećinskom većinom glasova ukupnog broja skupštinskih delegata. Prestankom rada Bemuфа sva njegova imovina prepisuje se na ime Islamske Zajednice Bošnjaka u Švedskoj.

Član 36

Ovaj Statut je usvojen na osnivačkoj Skupštini 1. juna 1997.g. u Örebru i zadnji put mijenjan na Skupštini 25. marta 2018.g. u Jönköpingu.

Ovjerio: Izet Bešić, sekretar Bemuфа





B.I.